

籌辦夷務始末

籌辦夷務始末卷之四

道光十八年戊戌七月辛丑兩江總督陶澍奏伏思鴉片煙之害起自粵洋流毒內地中其癮者殍身廢務久且竭中國之貲貽貽害及於

國計苟有人心孰不痛恨溯查

國朝康熙二十四年南洋開禁鴉片列入藥材項下每斤徵稅銀三分其後吸食漸眾嘉慶十五年奉

旨嚴禁其時已知癮毒之為害而耗財猶未甚也嗣復屢議科條加重辦理然惟開館者議紋販賣充軍吸食之人杖徒而已不至於死也而吸食成癮者頃刻無煙即有性命之憂

是以甘心觸犯。購求愈切。奸販乘其所急。得以居奇。胥役之包庇。關津之責放。皆從此起。迨至暗市移於荒島。快蟹出於深宵。衝風破浪。冒九死以犯不韙。而鴉片愈貴。紋銀之出洋愈多矣。是非不禁也。禁而不嚴。適以毆之。黃爵滋所陳重治吸食罪以死論之奏。實出於萬不得已之苦心。而為救時之急務也。我

皇上仁育義正。如蒙

特飭重辦。誠有合于生道殺民。刑期無刑之義。惟是等吸食煙不難。而難於獄市不擾。若辦理無次。而騷擾閭閻。室礙先於行旅。必致處處可生陷穽。而良懦皆難保。但耗天下之

財源。且傷天下之元氣。轉非所以培

國本也。至吸食鴉片。既加重至死。則凡情重於吸食者。自應一律加重。以絕來源。臣謹據所見條議於後。

一勸戒煙癮。宜刊方施藥並舉也。查原奏請給一年限期戒煙斷癮。自今年某月日至來年某月日止。若一年後仍然吸食。即置重典等語。查鴉片煙本即內地罌粟花所為。聞喫咭喇取陳死人土和之。復有蟲如螞蝗者。燒灰雜入其中。一落腸胃。見水即生。化而為癮。得煙始伏。癮重則未有不死者。歷來斷除之方。如忌酸丸。南瓜藤露。四物湯。十全大補湯。和煙灰服之。皆有效驗。惟沈溺於煙者。雖有方

二
而不肯服。其貧無力者。又或有方而艱于配藥。臣已飭首府刊刻各方。轉行徧貼。曉諭各處。聞風知做。紛紛購藥。斷煙。現復通飭各府州縣一體照辦。總期於本年內各處均知俾資改悔。

一煙具煙土。宜分別燬繳也。向來查辦鴉片。總以煙具煙土為憑。二者之中。微有分別。如售賣煙槍。有用金玉鑲配者。奇巧精緻。其為有心犯法無疑。亦有用泥土竹木製造。售買者多係小本營生。罔知律禁。一經查拏。此輩必先受其擾。應飭令自行銷燬。改業。仍限一月為期。逾限即辦。至若煙土一項。若亦聽自銷燬。勢必仍行藏匿。應勒限兩月。

內票繳到官燒燬毋許稍有存留違者加重懲辦

一查辦鴉片宜分任教官選同公正紳耆廣為勸導也
查原奏所請禁戒鴉片既定一年為限各省地大人眾有
司官難以家喻戶曉即偏貼告示亦恐視為具文其耽于
吸食者或謂限期尚早未肯遽斷即自稱禁絕者亦無憑
察考若令到官自首又恐吏胥索詐趙趙弗前是革面已
難何論革心耶因思古人月旦之法以鄉評別人之善惡
而等差之月有升降足示勸懲現例每逢朔望宣講

聖諭亦無非因勢利導化民成俗之意今鴉片傳染已深各學教
官咸有教化之責應請由州縣會同各該學選派紳耆中

明白公正。各按各境。查出食煙之人。諭令改悔。仍於宣講之次。傳集鄉眾。曉以大義。廣為勸導。昔陸九淵於白鹿洞講義利之辨。聞者至為流涕。朱子謂其切中晚近人心。陷溺之病。如果剴切詳明。必能開豁愚頑。較之出示曉諭。自更有益。

一查辦鴉片。宜責成保長。不必鄰右互結也。原奏請於一年後。取具五家鄰右互結。仍有犯者。准令舉發。給與優獎。儻有容隱。一經查出。互結之人。照例治罪等語。查五家之中。良莠不齊。如係同吸鴉片之人。自必容隱出結。甚至勾通串庇。永無舉發之期。若稍知自愛者。不但不肯出結。而

亦難於舉發。何者。吸煙之人。父師之教所不能入。何況鄰右。一經舉發。不但深仇遠憾。將種怨於子孫。而且傳審質對。已牽連於官府。非所以安良善也。至保長為城鄉牌甲之首。果有吸煙之人。無不周知。且稽察奸宄。是其專責。無可顧忌。自不難於舉發。儻有容隱。或舉發而不實不盡。亦不難於斥革懲辦。所有鄰右出結連坐之例。似可毋庸置議。以免波累。

一番辦煙案。宜確審速辦。以免反覆也。原奏稱吸食鴉片。是否有癮。到官熬審立辦等語。查鴉片有癮。熬審立見。自不難于辨別。惟

國家慎重人命。例須由府轉司。招解過院。始成信據。方其質訊取供。收監轉解。有需時日。而囹圄道途之中。猝然癘發。年老氣衰者。或致倒斃。其壯年氣盛。癘尚未深者。熬至數日。或已全愈。人情刁詐。或以為凌辱至死。或以為栽誣陷害。曉詞翻案。勢所不免。自應確切取供。迅速招轉。俾不致遷延更變。藉口圖翻。其癘發而死者。供證確鑿。應無庸議。其癘淺全愈者。但能切實改悔。似可量寬一綫。仍照枷杖本例。滿日取具改悔切結。責釋完案。俾其自新。儻再犯到官。加倍治罪。

一查辦煙案。必須本官親自督率。如有假冒巡查。即應從

嚴究治也。各州縣查辦案件。不能不假手吏役。而吏役率多無賴。不但包庇賄縱。甚至搬弄訛索。無所不為。惟在各州縣身先督率。其弊自除。否即嚴叅示儆。至各處匪棍。竟有借摻鴉片為名。假充吏役。突行劫搶。如原奏所稱。借查煙為名。於往來客商肆意留難勒索者。又不僅在吏役。而假充吏役之害。為尤烈也。應請嗣後。如有假充吏役及官弁。借查煙搶奪者。無論得贓輕重。均照強盜入室摻贓例。問擬斬決。以安行旅。

一興販鴉片。宜加重罪名也。定例興販鴉片煙。照收買違禁貨物例。枷號一箇月。發近邊充軍。為從杖徒等語。今買

食之人議死。若興販仍止軍徒似非平允。此等棍徒勾通
網利罪尤禍首。情理難寬。應請照用藥迷人已經得財之
例。將為首興販者問擬斬決。其餘為從俱改發回城為奴
以杜傳播。

一紋銀出洋。應分別加重嚴辦也。定例黃金白銀違例出
洋。白銀數在一百兩以上者。發近邊充軍。百兩以下杖一
百。徒三年。為從及知情不首之船戶。各減一等。失察賄縱
之汛口文武各官。俱照失察賄縱米穀例懲辦等語。竊以
為海船出入。豈得毫無日用。百兩以下似可不究。若百兩
以上。與數萬數十萬百萬同一科斷。殊覺未安。此等鬼蜮

蠹國害民。律以私通外夷。罪有浮焉。應請嗣後紋銀出洋數及萬兩者。一經查獲。立即正法。梟示海口。以快人心。而絕弊端。

乙巳。江南河道總督麟慶奏。伏查黃爵滋原奏內稱。耗銀之多。由於販煙之盛。販煙之盛。由於食煙之眾。請嚴禁以塞漏卮。而於鴉片煙偷漏擾害各弊端。數陳剴切。實屬急公。惟所請限一年斷癮。若仍吸食。置之重刑一節。臣查定例。凡食鴉片煙者。杖枷。不指出興販者。杖一百。徒三年。販賣及熬煙者。邊遠充軍。開館誘人者。絞監候。法令不為不嚴。今若概問重典。在怙惡不悛之輩。原不足惜。但究興作

奸犯科有聞。未得情法之平。況官員例應加等治罪。今至於死。無可再加。如謂子孫不准考試。殊非罪人不孥之意。

我

皇上仁育義正。明慎用刑。即命盜案之自罹大辟者。猶且分別實緩。再三核議。以求其生。豈宜專尚峻酷。且查鴉片煙之流入中國。始自前明。本草綱目載有阿芙蓉。註明俗名鴉片。

我

朝因有傷民命。屢申例禁。無如積習相沿。迄未斷絕。但彼吸食而甘受鴆毒。究屬自戕其生。今若概予誅夷。似非不忍之政。儻再加聯結互保。恐徒開胥吏滋擾之門。良民先受其

累。獨是漏卮之塞。

國本攸關。必應預為籌畫。臣思塞之之法。守其正。惟當責成沿海弁兵。重其賞罰。以杜紋銀之出。通其權。則或酌定內地貨物。高其價值。以期紋銀之復。若專以禁煙而論。計惟就本例加嚴。而運煙入口。運銀出洋者。實為首惡。罪在不赦。其內地開窯興販。並開館誘人之徒。以及得賄庇縱之在官丁役。亦係法所必誅。要在有司實力奉行。庶幾咸知儆畏。至地方文武各官。失察處分。擬請寬免。緣十二年臣在護理貴州巡撫任內。曾飭屬緝獲種販匪徒八十九名。奏奉

硃批。所辦甚屬認真。著依議行。欽此。實因先諭各員并允為請免處分。始無瞻顧。盡力查拏。今議申嚴煙禁。似須寬其吏議。責以實效。有敢縱容包庇者。一經查出。從嚴叅懲。該管上司。仍以獲犯多寡課其殿最。務使奸民有法可畏。無利可圖。當必翻然改業。于是內地銷售日稀。外洋煙來日少。而漏卮自塞矣。

乙卯。雲南巡撫顏伯燾奏。伏念鴉片之貽害。習俗蔓延。在有司非不嚴加查禁。三令五申。而癖嗜性成。執迷罔悟。如黃爵滋奏寬以一年之期。令其斷絕。否則置之死地。當發令之始。畏法者未嘗不觸目驚心。第恐沈溺者多。未能根

株盡絕。儻屆期末改。誅不勝誅。輕縱則

功令攸關。嚴辦則人數太眾。竊恐法有所窮。轉於政體有礙。且聞有極貧而吸食之人。斷炊在所不顧。斷癮決有不能。百計營求。死而後已。以意度之。知必有甘極刑而不顧者。在彼違法亂民。何足憫惻。然究非我

皇上好生之本意。止辟之初心也。查例載吸食鴉片者。科以杖枷。其不指出興販者。杖一百。徒三年。興販者。發邊遠充軍。開設煙館者。照左道惑人例。論以絞首。立法已不為不嚴。臣愚以為若如所奏。倣照紅毛喫咭喇之例。凡吸煙者。概予一死。外夷之法。不辨重輕。

天朝紀綱自有一定。豈可漫無區別。然欲重申禁令。似又不可不稍加以嚴應請

旨飭部悉心酌量議奏通行。庶幾法既加嚴。人亦倍知畏懼。至各關及地方官失察處分。亦請加嚴。以昭炯戒。總之有治法尤賴有治人。如果地方官實力奉行。務期來源盡遏。流弊日除。言出法隨。毋稍寬縱。雖一時不能盡淨。然興販者既無所託足。吸食者自不敢縱恣。久之不待禁而自絕。外夷之煙不致闖入內地之銀亦不致日消矣。

丙辰陝甘總督臣瑚松額奏伏查鴉片煙來自外洋。流毒中國。既耗民財。復損民命。每歲載煙入口。運銀出洋。竟至

數千萬之多。實為漏卮大患。吸此煙者。不惜身家。不顧品行。甘蹈邪僻。習為淫靡。於家則為敗子。於

國則為匪人。但有犯者。即予嚴刑。原無足惜。第思鴉片之為物。既係製自外夷。何由得入內地。即入內地。又何由徧及天下。定例夷船夾帶有禁。關津出入有禁。興販煙土有禁。煎熬煙膏有禁。開設煙館有禁。製造煙具有禁。懲以杖徒。屏以軍流。重以縲首。立法不為不嚴。稽查不為不密。顧何以禁者自禁。而犯者自犯。漸致病民瘠。

國為害日滋。此非吸煙者為之厲階。實由奉法者行之不力也。如不揣本而僅齊其末。即照原奏予限一年戒煙。若一

年之後仍然吸食。即置之重刑。罪以死論。在該寺卿黃爵滋因流毒已深。漸染已久。儻非治以死刑。未必根株遽淨。所議誠為嚴切。然以天下之大。人民之眾。蹈此習氣。已實繁有徒。毋論一年限滿。誅之不可勝誅。即使有犯。必獲有獲。必懲。而鴉片之源未清。則吸食之流。必不能塞。吸食之流不塞。則漏卮之害。仍不能除。徒以峻法嚴刑。日滋紛擾。似於實政。未見裨益。臣愚以為。與其事操切而莫遏其流。不若抉弊源而先清其本。查鴉片來路。必由海口。夷船一到。應由官按船查驗。以杜夾帶之弊。認真查驗。實力稽防。絕兵役之勾通。杜奸民之搬運。縱有來煙。何能入口。應請

勅下管理海口各大使查覈向辦章程參以現在情形將應如何稽查防範之處逐一妥籌詳定規條奏明辦理如此力為禁塞俾內地商民既不能運煙入口又豈能運銀出洋數年後夷人無利可圖當不復來外煙一斷則內地之煙自絕至於閩津出入則嚴查之來往興販則痛懲之私種煎熬則窮挖而重治之開館者無難設法擒拏製具者無難遇案根究既使煙之來源淨絕復令煙之去路肅清久而久之彼吸食者購買無從亦必不誅而自絕至於甘省地方壤僻民貧風氣視他省較樸雖不無吸煙之人然傳染斯習者尚不致滔滔皆是臣仍當督飭所屬嚴行查禁遇

有獲犯定必按律重懲斷不敢稍涉姑容庶以仰

聖主正德厚生化民成俗之至意

已未協辦大學士雲貴總督伊里布奏臣查黃爵滋原奏係因近來銀價遞增由外洋鴉片流入中國每歲漏銀甚多請嚴治吸煙給限斷絕固係嚴禁令而裕民生以免耗財海外惟是鴉片流毒已久始由海洋奸商販入遠近運銷繼因內地做種煎熬私行售賣前後增定成例於販煙食煙之罪分別等差已屬詳備今黃爵滋所奏以販賣之多由於買食之眾請將食煙者予以一年之限斷絕如仍吸食處以死罪果使食煙之人盡皆革面洗心則立法雖

嚴亦屬辟以止辟之意。第禁止鴉片。首懲造賣販運。誠以非有販賣。則人欲食煙而無由。此定例販賣之罪重。而買食之罪輕也。且購買吸食。行蹤祕密。發覺為難。若有犯即置重典。則諱匿愈深。訪察亦愈不易。雖容隱有罪。舉首有獎。而其事仍格於情勢之難行。況例準人情。法難及眾。民間違禁食煙。自蹈費財傷生之患。原無足惜。而遽示以峻法。徒啟里黨互訐之風。亦非。

國家教育斯民之道。臣伏思近來銀價之貴。固由銀出外洋。致成漏卮。而生齒日繁。物價皆增。銀亦因之昂貴。積漸所國。恐亦不免。惟近來吸食鴉片。濡染成習。實為耗損民財。

之大弊。亦風俗人心之巨蠹。誠不可不重申禁令。俾愚民
倍知儆惕。以挽頹風。自應先懲各省販運。以清其源。次及
食煙之人。以遏其流。原例興販賣食各罪。本尚覺其輕。應
如何遞加。俾示懲戒。應請

飭下部臣酌議更定。通頒遵照。則罪以量加。效可漸著。至曉諭戒
煙。原有藥方出示廣傳。於懲創之中。予以自新之路。亦可
兼行。如不悔改。被獲照例究治。仍責令地方文武實力查
緝。有拏獲販運鴉片。造賣煙具。並食煙之人。按起咨部議
敘。疏縱照例議處。其文武職官。並署內幕友親屬家丁。及
營兵人等。尤應嚴禁吸食。如有違犯。加等治罪。照例按年

取結咨部。僅有失察徇縱。隨時分別查叅。以期興販斂懾。買食知畏。既可免耗民財。而風俗人心之靈。亦可漸去矣。辛酉。廣西巡撫梁章鉅奏。竊查黃爵滋原摺。欲用重典。以挽澆風。其情甚切。其論亦甚暢。然。臣謂除惡固宜。務盡行法。尤貴持平。鴉片之流行。始不過因其傷人而禁之。今則耗漏紋銀有闕。

國計。誠所當急為籌議者也。今日禁令非不密。處分非不嚴。而漏卮終不能止者。皆有治法無治人。不能實力奉行之故。今欲以重刑禁絕吸食之人。此不過計無所施。激為不任人而任法。謂治其流而源可清也。然。臣以為不如清其

源而流自息。蓋鴉片煙之源不在吸食之人而在囤販之地。試思外洋之物不流入內地則人何從而興販。無興販又何從而吸食。是必有以銀易煙之奸民。即必有開窩囤煙之窩地。查例載興販鴉片煙者罪止近邊充軍。私開鴉片煙館罪至擬絞監候。誠以開設煙館引誘良民其情節較興販者尤為可惡。是以加至絞罪。而吸食之人仍不能禁絕者。則其故不在煙館亦不在興販而實在廣東之窩口。此則法無可貸者矣。聞夷人交易煙土皆不在內洋而在窩口。即黃爵滋摺中所指之零丁洋及大嶼山老萬山各地面。緣夷船之來人地生疏。非有熟悉情形者為之羽

翼而引導之。必不肯以數十萬金之物。輕易付人。彼開窯口者。即為夷船之羽翼。而引導之者也。擅其利者。不過數十家。其資本多則百餘萬。少亦不下數萬。至數十萬。久與夷人習熟。因此招人興販。接濟煙館。不知幾百家受其害者。不知幾千萬人。即治以死罪。固不為過。加之外通夷人。內耗國用。即從私開煙館。絞候例上。加以絞決。亦不至法重於情。似較之專嚴吸食者。尤得要領。若果定為憲令。法立即行。亦不必寬以一年。轉致緩而生懈。查窯口之設。斷非一身一家所能辦。必合數家或數十家之力而成之。其中固皆腎不畏死之徒。亦豈無稍知顧忌者。彼聞有立

置重典之令。其兇悍者未必不為顧忌者所牽制而游移。且夷船停泊近洋。不能持久。每歲入口出口。皆有定期。稍遲則風期不利。是以不肯遷延。惟于洋船將到之時。聚精會神。加緊嚴拏。以誤其交易之期。能使一歲不售。則明歲之來必少。三兩歲不售。將不禁而自息矣。至於凡有窯口處所。衙門書役以及土豪地棍。皆沾其利。為之護持。必須懸立重賞。購求密綫。或詐為事外之人以偵之。或設為售買之主以招之。聞廣東于道光三年有拏獲窯口葉恆樹一案。道光八年又有拏獲窯口潘亞太一案。可見認真拏破。案並不為難。彼時因無開設窯口專條。不過照例完

案。此後遂未聞有續獲者。夫既寬之於前。又縱之於後。無怪乎奸民之日肆。而流毒之日深也。至禁絕之法。絕出口之銀。與絕入口之煙。其事皆不可偏廢。洋船入口。皆在廣東。其開窰口之人。多係廣州府屬東莞香山新會各縣奸民。其總匯多在虎門澳門黃埔一帶。其散布多在肇慶府屬之高要縣利廣墟並潮州府屬之澄海縣荖埠一帶。查廣東水師提督即駐劉虎門。所屬沿海巡船梭巡。如果認真查緝。鬼蜮豈能潛蹤。乃今日查緝之船。反有坐地分贓。及為匪徒包送者。然則此事不得不責成水師提督。水師提督得其人。而功已過半矣。至福建浙江江蘇天津各海

口亦間有洋船闖入。莫善于嚴斷其貿易之路。使之歸併廣東。否則分飭各該處督撫。另立章程。將有無窩口之處。嚴行查禁。若內地種植罌粟。花刮漿成土。即與外來鴉片煙無異。正當力除以防其弊。豈可反弛禁以開其源。如以產穀之區。聽其植罌粟以害民。獲利日多。則產穀日少。良田胥變為花地。其害更不可勝言。國家亦無此政體也。要之吸食即置之死地。恐誅不勝誅。科罪及於鄰右。禁錮及於子孫。更施之過當。若謂喫咭喇越南等國吸食者皆係死罪。為外國之能令行禁止。夫刑不協于中。適成其為外夷之政。豈可以中國而反效之。惟將死罪施之開窩口之

人則罰不及罪。刑不濫施。庶幾源清而流自絕。誠使一歲之中。拏獲開窩口者數案。每案皆徹底根究。除正犯立正典刑外。凡干涉人等。無不從重治罪。不使一名漏網。接連數案如此。斷未有不羣相震懾者。是即辟以止辟之道。不得謂之濫刑。窩口一散。則外洋之煙無從流入內地。內地之銀亦不至漏出外洋。彼開館者無可開。興販者無可販。則吸食之徒。不患其不變計。而銀價自然平矣。特患奉行者畏難而不盡力。營私而不盡心。則行法必自官始。行法於庶官。又必自大吏始。吏習一清。民風自然易革。此又為源中之源。而不必為疾視斯民之舉也。若夫開設煙館舊

例紋候。已不為輕。吸食之人。於杖徒之外。略為加重。犯事到官。即於面上左右重鑿刺字。使之無所藏其奸。庶法得其平。而事亦有濟也。

丙寅。廣州將軍德克金布。兩廣總督鄧廷楨。廣東巡撫怡良。奏。竊查廣東省。准與外夷各國通商貿易。垂二百年。道光十四年間。因喫咭喇公私散局。大班不來。散商漫無約束。經前督臣盧坤。飭令洋商傳諭該國夷商。信知該國王仍派大班前來。以資經理。嗣臣鄧廷楨到任。於十六年十二月。據該國遣令夷人義律到粵領事。當經查明奏奉諭旨。允准在案。至今將及兩年。該領事義律有事則來省稟辦。無

事則下澳居住尚能循分辦事不敢妄為茲於本年五月二十四日據澳門同知胡承光及各營縣稟報五月二十一日有啖咭喇國啖咭巡船一隻並護行担呀吐巡船一隻駛至銅鼓外洋拋泊當查啖咭船載有該國夷目嗎咤喻一名稱係來粵稽查貿易事務帶有番婦女婢共三口番梢五百名担呀吐船帶有番梢八十名各等情並准水師提督臣關天培咨同前由臣鄧廷楨以該國既有領事義律在粵經營貿易何以該夷目嗎咤喻復來查辦情殊巨測當即分別咨行嚴飭各礮臺舟師認真戒備巡防一面催令作速開行回國勿任逗留又先後接據文武稟報

該夷目嗎咤喻于是月二十七日率領番婦女婢駕坐三板船隻前往澳門該領事義律夷館居住六月初四日又獨自轉回銅鼓洋面原船眷口仍留在澳義律亦已由澳進省臣鄧廷楨即飭洋行原商伍敦元盧文蔚往向義律查詢緣由據義律聲稱嗎咤喻係屬該國官目來粵稽查貿易今伊進省代其呈遞事件懇求免寫稟字並稱以後有事必須官往傳諭不令洋商經手詰其代呈何事並不明言義律隨於初九日遣令夷人在城門外投遞封面並無稟字之夷信一封因其有違定制當將原封擲還臣鄧廷楨伏思中外之際首重體制定例貿易事件均由洋商

轉稟。不准投遞書函。亦從無派官傳諭之事。該領事忽求
免用稟字。有事又欲派官傳諭。詰其為嗎地喻代呈何事。
一味含糊。竟赴城外投遞。並無稟字信函。謬妄已極。在臣
一字之更。何關輕重。惟若聽平行於疆吏。即居然敵體於
天朝。體制攸存。豈容遷就。隨又遣該原商伍敦元等。向義律諭
以中外限制綦嚴。不得擅圖更易。嗎地喻既係夷官。尤不
得久留粵海。該領事即應傳諭回帆。毋稍觀望。義律遂於
十一日下船而去。旋准水師提督臣函稱。暎夷嘆噠等船
二隻拋泊銅鼓洋面。今又有從前來粵送信于閏四月內已
去之暎咭喇呢叻巡船一隻。仍帶原驗之番梢一百二十

名。復行轉回。駛攏嘆道等船一同寄碇。該三船于十三日戌刻。自銅鼓向北開行。駛至穿鼻洋面停泊測水。提臣當派署水師提標叅將事副將李賢。署水師提標守備周國英。帶兵馳赴威遠橫檔各礮臺。協同原派弁兵安排堵截。並即親赴海口督辦等因。臣等以該夷船既未退回。轉向內駛。哄夷嘩嘩。前車可鑒。難保其不意圖入口。必應從嚴堵逐。查虎門各礮臺。前經增修鞏固。分安八千斤及七千斤以下新舊各礮。共二百四十六位。內威遠橫檔鎮遠三臺。共安大中各礮一百二十位。對峙水濱。勢成犄角。尤為扼要。提臣現復派員協防。並親往督辦。足資捍衛。所有虎

門以內進省水路如扼要之黃埔中流沙烏涌大黃窖以
及兩岸陸路各要隘。經臣德克金布臣鄧廷楨先事籌備
適臣怡良到任。復會同悉心熟商。密派員弁帶兵分投布
置。鎮靜防範。其路通省河港汊各處。派撥巡船。晝夜梭巡
稽察。以防奸夷附載小船偷越入省。至澳門為西洋夷世
守重地。且嗎咤喻眷口留居其間。亦札派香山協縣馳往
協同澳門同知併力駐守。並密諭西洋夷毋為哄夷所惑。
一體加意防護。以期有備無患。至十五日。嗎咤喻遣夷人
三名徑赴海口水師提督臣坐船。聲稱該夷目今義律在
省投遞書信。總督未收。求提臣代為呈遞。提臣當以嗎咤

諭不遵體制妄冀與

天朝疆吏平行。大屬狂悖。況夷官又豈能越至內地稽察事務。方今舟師雲集。務即趕緊回國。免干嚴逐等語。將該夷等拒絕轉回。並恐傳語錯誤。復委副將李賢署守備盧大鈺同赴該夷船。以前言向嗎咤諭嚴切開諭。曉以利害。始據嗎咤諭回稱。遠人未諳。

天朝定例。是以宵旰有求。今既蒙明白指示。前信已可不投。便當取眷駛去。惟刻下風色不順。尚須候風開行等語。該三船隨於十七日開出銅鼓外洋拋錨二十日。嗎咤諭仍坐三板小船隻身赴澳。與其眷口同住。意尚安靜。准水師提

臣節次函會。並據各文武先後稟報前來。查嗎咤喻以一
外夷官目。敢於傳書抗禮。圖變舊章。桀驁殊甚。迨經臣鄧
廷楨與水師提臣關天培。疊以嚴詞諭逐。內外戒備維嚴。
該夷目無所施其伎倆。始稱候風駛回。將船開泊銅鼓洋
面。伊仍往澳居住。查通商各國。俱係西南外夷。其船來須
南風。去須北風。向本如此。現在甫交秋令。南風猶盛。據稱
尚須守候順風開行。似非支飾。惟跡其犬羊之性。究未可
以恆情測度。該夷目是否實係居澳候風。攜眷回船返國。
抑竟別有詭謀。臣等未敢稍涉大意。現仍飛咨水師提臣
一體嚴飭。在事文武。時刻加意巡防。切勿鬆勁。致有疏虞。

一俟北風迅發。催令即日駛回。儻敢抗違。更肆鴟張。即當由驛具奏。照例停止該國買賣。認真嚴行驅逐。

諭軍機大臣等。據鄧廷楨等奏。暎咭喇國巡船駛泊外洋。現在密為防範。諭逐回國。候風開行一摺。所見是。前因暎咭喇公司散局。大班不來。曾經諭令循照舊章。仍派大班前來。以資經理。行之將及兩年。何以該國忽有夷船駛入內地。並求呈遞事件。免用稟字。又欲派官傳諭。種種妄瀆。現經該督等將原呈擲還。並密派文武員弁。加意防範。但該夷等犬羊性成。難以恆情測度。據稱守候風信。屆期開行回國。此數十日內。羈留內地。仍當不時偵察。勿得疏懈。時屆北風。即飭令迅回本國。不可任其北駛。或

竟藉端停留。自當加以兵威。嚴行驅逐。並停止該國買賣。用昭懲創。著鄧廷楨等酌量相機籌辦。總宜外示靜鎮。內謹修防。以戢夷匪而靖閭閻。

丁卯。江蘇巡撫陳鑒奏。伏查鴉片煙流毒日深。既耗民財。即傷國本。茲黃爵滋以漏卮無底。

國計攸關。請定吸食死罪。以其振聳啟矇。使內地無吸食之人。外洋即無興販之匪。而復寬以一年期限。俾今漸就自新。刑期無刑。意至善也。然臣愚以為。

聖朝制治事。期可行可久。而截流必先清源。即用刑之法。亦應由輕及重。且民為邦本。凡律所應誅之犯。尚須準情援例。

得違法外之仁。今欲清鴉片之流毒。必先嚴絕來源。然後儆
勸懲。視今其自惜生命。定以分限科罪之條。由輕而重。使
天下人民咸仰。

皇上衡情立法。並非不教而誅。查鴉片煙土來自外夷。其薈聚本
在粵省之香山黃埔各窰口。內地奸匪先赴該處議定價
值。以銀易土。陋規累萬。今則夷船不進虎門。祇于老萬山
大嶼山等處寄碇。而粵省奸商勾通巡船。運銀出洋。用扒
龍快蟹等船來往護送。包運進口。然後分銷內地。其行蹤
固極詭秘。亦難保無不肖兵役貪圖重賄。容隱包庇。若果
實力撻挐。斷無有數千萬之銀土常川往來。而絕無覺察。

者。自應首嚴運銀出洋販土進口之罪。則來源先清流弊。可不禁而絕。伏查例載。凡沿海奸豪勢要。將違禁貨物下海。前往番國買賣。正法比照謀叛已行律處斬梟示等語。奸徒運銀出洋。易土圖利。勾結外夷。以致毒流中土。此係有心害國之犯。應請嗣後獲有此等首犯。審明後即恭請王命處斬。傳首海口懸示。以昭炯戒。從犯船戶。概擬絞候。房屋籍沒入官。沿海地方文武員弁有能緝獲通夷首匪。即予保陞。僅審有從前失察之案。以功補過。概予寬免處分。所獲銀兩船隻。盡行分別賞給。如文武員弁泄視玩忽。一經鄰境拏獲。以溺職嚴叅。兵役人等得賄縱庇。盡法懲治。至內

地販賣煙土。以及開設煙館匪徒。此係利己害人之犯。應請照毒藥殺人傷而不死律。擬以絞候。地方官失於覺察。照例議處。牌保貪賄容隱。以枉法從重論。製賣槍斗等具者。照製造賭具例加一等治罪。至於吸食愚民。多係被人引誘。自害身家。原例杖枷。誠得情法之平。乃沾染益眾民脂。目前先天化日之下。安容此等冥福。虛糜財用。自應如黃爵滋所奏。請定死刑。以冀震懾人心。惟五刑既有等差。用法自有輕重。應請自欽奉。

諭旨飭禁之日。即恭錄飭行地方官申明禁令。示諭軍民。凡有吸食鴉片者。概令戒絕。並飭有司刊刷戒煙藥方。遍貼城鄉。

令其依方斷癮限以半年。逾限有犯滿杖發落。並於右臂刺煙犯二字。再限三月。逾限有犯即行刺面。枷示通衢。並令遊街警眾。滿日責釋。如此一再寬貸。苟有人心。宜知感悔。儻統限一年之後。仍敢違禁吸食。則是藐視

王章。始終怙惡不悛。以之論死。亦不足惜。若文武職官。本有臨民之責。猶復沾染惡習。是奉法犯法。訪察得實。立即叅革。發往新疆效力。其署內官親幕友長隨吏役兵丁。應責成本官自行舉發懲辦。免其既往處分。儻此後復有容隱。一經查出。即照溺職例革職。如是分別等差。衡情定法。由寬及嚴。庶幾人心就正。民俗還淳。漏卮於是乎可塞。

國本於是乎可培矣。

己巳河東河道總督栗毓美奏。臣竊見鴉片煙流毒中國數十年來。食者日眾。販者益多。上下相蒙。病民蠹

國。非嚴刑峻法。其勢不能禁止。今黃爵滋請加食煙者以重罪。仍寬戒煙之限以一年。官則加等治罪。罰及子孫。在官者除本犯治罪外。該本管官從嚴議處。臣細繹原奏所擬備極嚴明。似已足為救時之策。惟犯法幾徧天下。而責以查禁者。僅此在官人役。非包縱以得規。即袒護其同好。若不以保甲之法行之。雖有嚴刑。仍不可得而禁。原奏請編查保甲一年後。取具互結。舉報者優獎。容隱者治罪。自為

扼要之議第尚畧而未詳。且請更為我

皇上詳陳之。蓋編查保甲。予除暴安良之中。寓化民成俗之意。即周禮比閭什伍之制也。其法十家立一牌頭。十牌立一甲長。十甲立一保長。每戶丁口年齒生業。開列于各家之門牌。而例應遵守者若干條。例應嚴禁者若干條。違犯者何罪。連坐者何罪。詳列於十家之總牌。如防盜賊。禁邪惑禁賭博。察逃犯。查窩私。一切作奸犯科之事。向來開列總牌。較之大張告示。更為家喻戶曉。是以無敢違犯。可見民非不畏法也。特苦于不知法耳。今將食煙者論死。容隱者連坐。列于總牌之中。而復傳示。藥方寬以一年戒煙之限。民

雖至愚。莫不貪生而畏死。有不惕然猛省。翻然改圖者。必非人情。況其父母昆弟妻子。無不憂其死而樂其生。加以一家有犯。九家連坐。凡同列牌甲者。皆懼罪之及身。亦必涕泣而道之。苦口以責之。期於戒煙而後已。是保甲行而民知吸煙之罪。方可不犯吸煙之罪。辟以止辟。刑期無刑。聖主如天之仁。天下萬世皆利賴之。然臣所取於保甲者。尚不止此。查販賣鴉片煙者。發邊遠充軍。開設煙館者。照左道惑人例罪。至絞候。定例綦嚴。久經通行直省。然破案者甚少。販賣者仍多。此無他。未行以保甲之法耳。今亦大書其罪於總牌。而申以九家之連坐。如有能舉報者。除煙土銷燬。

房屋照例入官外。所有貨財悉以充賞。則牌戶既畏牽連。又貪厚賞。販煙開館之破業者。必漸多矣。夫販煙開館者。牟利戕生。其害甚於盜賊。煽惑引誘。其匪甚于邪教。從前北五省賣廣貨者尚少。近來各府州縣多有外來奸民。借賣廣貨為名。開張鋪面。私售煙土。不獨食煙者之父兄家長。深惡痛絕。即土著安分良民。無不耳而目之。痛心切齒。其所以不敢舉發者。或因在官之人多為庇護。恐舉報而轉蹈誣告之刑。或因子弟吸煙。由其售賣。恐供指而先受株連之累。今如黃爵滋所議。在官食煙與民同罪。彼方自救不遑。安能庇及販戶。其販煙開館之罪。定例已久。犯則立

懲非吸食之罪。加於一年後者。可也。雖吸食者。為所供指。而所犯尚在限前。無用傳訊。則株連拖累。更無可虞。地方官於舉發販煙開館之犯。究其夥黨。追其來歷。徹底查拏。不難因案破案。而販煙之根株。可期漸絕。無賣煙之人。自堅戒煙之心。無容留賣煙之人。即斷來往販煙之路。從此銀之出洋者。日少。造煙之外夷。亦無所施其毒。此固與食煙之禁。相輔而行。而食煙之禁。行於一年之後。販煙開館之禁。行於一年之前。又較為倍速。總之天下銅習禁之自官。尤須禁之自民。其效捷于影響。此清查保甲之議。臣所以就黃爵滋原奏。復為引伸而詳陳也。今天下府州縣力

行保甲者固不乏人。而虛應故事者亦復不少。或恐勞民於奔走。或恐累民於科派。委查則懼其紛擾。親查則勢有難周。畏難苟安。因噎廢食。臣仰蒙

聖恩。由州縣游推兩司。歷任豫楚兩省。查辦保甲。熟籌簡便易行之法。務期政不繁而民不擾。先將勸懲各條刊刻十家總牌。再刊門牌冊式。刷印多張。每於編查一月之先懸牌示期。令城鄉各路經管牌戶之鄉地保正齊集公廨。明白面諭發給冊式。飭令協同牌頭甲長將所管牌戶丁口年歲作何生理分別土著寄籍造送草冊。隨到隨投。不令守候。一面親自校閱。飭承另繕清冊填就大小門牌。復示期鄉

保當堂給領分散牌戶懸挂。仍于聽訟之餘。下鄉之便。訪問抽查。如有不實不符。究問保甲。責有攸歸。不容欺隱。且止將謹遵總牌之條約。責成牌戶。而地方公事。及紙張雜費。絲毫不以干連。計編查不及兩月。即已竣事。無須差役執票催擾之煩。凡條款列入總牌者。民知遵守。有案輒獲。俱經行之有效。今將吸煙販煙開館之罪。及一家有犯九家連坐之罪。摘敘簡明條例。列於總牌之中。俾遠近牌戶無不周知。該地方官先於城市關廟耳目切近之地。親督牌甲認真巡查。吸煙者多方化導。販煙開館者立即嚴拏。庶有犯必獲。有獲必懲。風聲所樹。可期今戶禁止。於以保

全民生。培養

國本則漏卮可塞。不致託諸空言矣。

八月庚午。福建巡撫魏元烺奏。伏思天地之生財有限。

國家之經費有常。今鴉片流入內地。病國病民。其害不可勝道。查閩黃爵滋原奏。誠痛湔積習以生道殺民之意也。但立法貴乎持平。除弊尤在扼要。若嚴治吸食之人。而置勾結販賣之奸民於不問。是輕重失宜。殊非明慎用刑之道。查定例止有私開煙館與販鴉片栽種罌粟以及買食等項之罪。但開館與販栽種買食俱在內地。其銀錢消耗亦仍在內地。此外竟有殷實巨奸。每用重資雇人出洋勾結。

夷船大夥販賣。并有受雇包運者。此誠鴉片之首禍。亦即耗財之病根。而定例有所未備。今欲重治吸食之人。似應嚴定科條。先治大夥販賣之罪。以及其餘。且謹酌議數條。為我

皇上陳之。

一嚴懲起意出本及受雇販賣之罪。以絕根株也。夷船停泊大洋。奸民運銀買煙。每次多則萬餘兩。少亦數千兩。此非貧民所能措備。皆由殷實奸民為之。湊集雇募。無賴棍徒勾結夷船。買回散賣。受雇之人圖得重利。無不忻然樂從。雖被獲到官。仍利其暗中資助。從未供及牽連。而出本

之奸徒。坐享其利。置身事外。以致海濱之人。相率效尤。應請嗣後。拏獲受雇勾結夾船大夥販賣之犯。一體斬決。梟示。恭請

王命即行正法。如有供指起意出本之犯。拏獲到官。即將受雇販賣之犯。比照夥盜供出盜首逃匿所在地方拏獲之例。免死發極邊煙瘴充軍。其起意出本之犯。不分首從。斬決梟示。亦恭請

王命即行正法。並將家產查抄入官。如旁人及受雇販賣之犯。有能報官首告。即將資本全行賞給。有罪者仍免罪。如此則受雇販賣者。輕重利害。得失懸殊。定必供指出本之犯。

而出本之犯亦疑慮其出首供指不敢雇人販賣矣
一嚴辦沿海包運匪犯以杜來源也查沿海地方包運鴉
片無論舟行陸運匪徒倚恃人眾肆無忌憚地方官慮釀
事端往往姑容應請嗣後拏獲包運煙土之犯問發新疆
給官兵為奴如有拒捕等情准地方文武開槍放礮照罪
人拒捕格殺之例勿論

一嚴定開館興販各罪以禁誘食也內地開設煙館以及
興販鴉片之犯與在洋勾結夷船大夥販賣者情節有間
擬罪亦應區別應請嗣後開設煙館引誘良家子弟者擬
絞立決興販鴉片計贓在五百兩以上者擬絞監候不及

此數發極邊足四千里。為從各減一等。船戶地保鄰右知情不首。減為從一等。如書役兵丁夥同開設興販。或包庇故縱。其罪至立決者。無可復加。如應監候者。加擬立決。應充軍者。發遣新疆為奴。應杖徒者。發極邊充軍。

一吸食之人。宜分別加重罪名。以除積習也。查原奏一年不戒。概擬重辟。似覺過重。若照舊例。此風又未能止。息自應量為加重。俾知儆畏。竊思文武各員。其官之較大者。尚知自愛。若佐雜千把等。即難保其必無吸食者。而兵丁沾染此習。為更甚。追習之既久。必至疲羸困頓。求其操練技勇。且不可得。安望其巡緝得加破敵衝鋒耶。應請嗣後如

職官吸食鴉片者發邊遠充軍。兵丁吸食者枷號兩箇月。插箭游營。仍杖一百。流二千五百里。如不將販賣之人供出。官與兵又各加一等。軍民人等吸食。枷號兩箇月。杖一百。徒三年。書役及衙署隨丁人等有犯。加軍民一等治罪。不指出販賣之人。各遞加一等。保鄰知情不首。照不應重律杖八十。不知者不坐。

一水師巡緝宜分別勤惰以昭勸懲也。內洋及內地販賣鴉片之犯。責成陸路文武訪拏。至奸民之在外洋勾結夷船大夥販賣。惟水師為專責。應請嗣後水師弁兵如有得規故縱。即照本案首犯治罪。提鎮各降一級調用。提鎮以

下該管各官。一併革職。如有舉發。免其議處。失察者該管將弁革職。各上司分別議處。如有拏獲本轄洋面大夥販賣二起。或拏獲鄰境一起。准督撫奏請陞轉。仍將所獲財物賞給。並將該管上司分別議敘。如在大洋風浪靡定。不能擒拏。准將勾結匪船用槍礮擊沉。以除其害。

一陸路文武官員。請酌定議敘議處。以覈功過也。奸民之勾結夷船大夥販賣。多在沿海各省。至開館興販之犯。各省皆有。而獲犯究辦者。究屬寥寥。蓋緣地方文武。顧慮失察處分。未肯實心拏辦。即間有獲犯。亦皆化大為小。甚有得規故縱情弊。應請嗣後地方有大夥販賣。及開館興販。

者該管文武得規故縱一經上司察出或被告發即照本案首犯治罪該管道府營將一併革職失察者該管文武革職道府營將各降一級留任如能拏獲本境大夥販賣二起或拏獲鄰境一起者准督撫奏請送部引

見恭候

欽定如被鄰境拏獲仍將本營失察之文武革職拏獲開館與販罪應絞決一起絞候二起者准其加一級如另有降調之案准其抵銷拏獲軍流罪犯每起准其紀錄二次失察者照舊例按煙斤多寡議處如書役兵丁有犯自行拏辦者免其處分仍按罪名議處庶地方文武毋庸顧慮咸知奮

勉可期得力矣。

一大黃茶葉宜永禁不准以貨相易。以示羈縻。也。外夷之人。非內地之大黃茶葉。無以為生。

皇上准其通商。誠以好生之德。無遠弗屆。歷來夷人在廣東貿易。所用皆係洋錢。然洋錢銀色低潮。較之內地紋銀。不過七成。乃近年以來。並且不用洋錢。所帶盡係害人毒物。其陰謀巧詐。殊不可問。應請

旨飭令廣東督撫。臣嚴切曉諭洋行。嗣後夷人貿易。准將其呢羽等項。用內地之花素紵絲編布物件。以貨易貨。一切禁物。洋行不准售賣。所有大黃茶葉。令夷人用銀收買。不許以

貨相易。仍照往年斤數。予以限制。洋行不得多賣。如夷人仍用洋錢。每銀百兩。作紋銀七成計算。以絕其奸巧之計。違者將洋行照例治罪。

庚寅。兩廣總督鄧廷楨。廣東巡撫怡良。粵海關監督豫堃。奏。竊臣等承准軍機大臣字寄。閏四月二十五日。奉

上諭。有人奏內地人民不盡皆食鴉片。而茶葉大黃為外夷必需之物。請酌定價值。祇准以紋銀交易。不准以鴉片及洋貨抵交等語。著鄧廷楨。怡良。會同豫堃。揣時度勢。密計熟籌。於復還財用之中。隱寓震懾外夷之意。其各省出產茶葉大黃地方。應如何稽查轉運。設立票據。歸沿海地方官員兼管。及絲斤出洋一

律辦理之處。著即悉心籌畫。妥議章程具奏等因。欽此。臣等欽遵。當將原奏公同閱看。密計熟籌。往返商酌。至再至三。無如揣勢衡情。求端訊末。核之原奏。實有窒礙難行之處。不敢不為我

皇上密陳之。伏思紋銀之去。由於鴉片之來。則欲圖紋銀之歸源。固當立法於茶葉大黃湖絲之去路。惟查通商外夷。約有十餘國。內惟暎夷所屬之港腳。暨咪喇堅。呂宋。噠國。四處向有躉船停泊外海。此外諸國。並不固販鴉片。即此四國之良夷。亦有安分貿易。不肯營私者。其與洋商交易。向俱以大呢羽毛等物相抵。亦從無以鴉片易貨之事。今因港

腳諸國偷漏紋銀。欲令其以紋銀購買茶葉大黃諸物。而此外各國。剔而除之。則兩歧。概而同之。則無別。此窒礙者一也。港腳諸國。誠以鴉片偷漏紋銀矣。然其偷漏之道。如鼠竊然。非公然在內地售賣也。今欲令其以紋銀購置茶葉等貨。姑無論奸夷必以外國不產紋銀藉詞諉卸。即使茶黃能制死命。

天朝令甲既立。該夷不得不遵。而奸夷詭計多端。或以帶來番銀在內地易換紋銀。交商置貨。或在彼國將番餅鎔成大錢。充作紋銀。竊恐涇渭混淆。有名無實。且向之偷漏紋銀。乃營私耳。今其以紋銀購買茶葉。則彼於入口之時。呈

報帶來紋銀若干萬兩。出口之時。聲稱置貨之外。餘賸紋銀若干萬兩。倣照准帶洋銀三成回國之例。將紋銀帶回本國。是從前紋銀出洋。猶係取巧。此後紋銀出洋。竟屬公行矣。計議稍疏。流弊滋甚。此其窒礙者二也。又查向來外夷入口之貨。五十餘種。內地出口之貨。二十餘種。以茶黃湖絲為大宗。每年出洋茶葉。自四千萬至五千萬斤。湖絲自六七十萬至一百餘萬斤。大黃自十萬至十餘萬斤不等。核其價值。實已居其大半。今剔出茶葉大黃湖絲三項。令其以紋銀購買。則其餘內地之貨。與入口之貨。不數抵兌。而夷人餘剩之貨。將無所歸。此時為裕財除害起見。原

不必為夷人思慮。但通商互市。

天朝令典煌煌。豈容外夷有所藉口。此其窒礙者三也。又查茶葉產自閩皖。江西。湖絲產自浙江。大黃產自川陝。價值高低。向俱隨時長落。今若酌定價值。自應從其較貴之價。定為數條。惟此法施之夷人。則購買與否。聽其自便。無足計較。而施之內地。茶絲各商。則出產之區。豐歉不一。轉運之路。旱澇不齊。成本重輕。因之倍蓰。若果官定之價。可以獲利。誠為商賈所樂從。設若偶值歉收。價貴之年。官定之價。不敷成本。不賣則貨物微過。欲賣則血本大虧。勢類觸藩。所傷匪細。此其窒礙者四也。至若茶葉大黃。產自別省。率

皆踰嶺而至。並非航海而來。沿海官員無憑兼管。其自本地販運至粵。關津權稅層遞稽查。若再由出產地方設立票據。竊恐徒為不肖官吏增益陋規。而商賈轉多掣累。此其窒礙者五也。復查洋商每年呈報出口入口貨物核計價值。大率出口之貨多於入口之貨。除彼此以貨易貨外。遑年夷商尚須找給洋商番銀二三百萬兩。至四五百萬兩不等。核之稅冊相符。所找雖係洋銀。而廣東市價。每洋銀百兩約補紋銀之色。或三四兩。或五六兩。是洋銀百兩尚可抵紋銀九十三四五六兩不等。且等愚昧之見。與其虛懸新令。徒求復還紋銀之名。不如率由舊章。總收歲找。

番銀之實

諭內閣。前據御史周頊奏。請酌定茶葉大黃價值。祇准外夷以紋銀交易。並湖絲出洋一律辦理。一摺。當降旨。令鄧廷楨。怡良會同粵海關監督豫堃。熟籌妥議具奏。茲據該督等奏稱。查通商外夷約有十餘國。若令以紋銀購買茶葉大黃。則彼轉得藉詞於置貨之外。餘騰銀兩攜帶出口。是紋銀出洋。從前猶屬巧取。此後竟屬公行。並查向來出口之貨。茶葉大黃絲斤。核計價值。居其大半。今以銀購買。則其餘內地之貨。與入口之貨。不敷抵兌。夷人餘騰之貨。將無所歸。至於酌定價值。則出產之區。轉運之路。亦有不齊。若官為定價。偶值歉收。價貴之年。必至官價不

歟商本虧折若由出產地方出立票據恐徒為不肖官吏增益
陋規商賈轉多擾累種種窒礙難行所有該御史原奏著毋庸
議

籌辦夷務始末卷之五

道光十八年戊戌八月辛卯兩廣總督鄧廷楨奏伏查防
弊固貴因時立法尤期盡善苟法之未善而欲弊之力除恐
適滋之弊也今紋銀之出洋鴉片之入口東南幾成錮弊
塞漏培本誠當急切講求惟詳核黃爵滋原奏掃除一切
杜弊之策而獨歸罪於吸食鴉片之人吸食鴉片罪非浮
於強盜也乃皆欲置之死刑不得比於可原之劇盜而又
舉發責之鄰右禁錮及其子孫非意失不孥即端開滋擾
法之善與不善已可不辨而明如謂外夷食鴉片煙者死
無赦尚能令行禁止是姑無論在彼治之於濫觴之始在

我治之於潰防之餘。衆寡不同。情勢迥別。而外夷殘民以逞之事。

天辦理大物博。奈何尤而效之。雖其意以為。

旨嚴令肅。畏法者多。予限一年。十已戒其八九。刑仍可以不用。但十戒八九之一言。亦懸揣而未必確有把握。設使蚩蚩者氓。法未及身。獲米輒食。轉睫限滿。辟者猶存。當此之時。執法則含生億兆。誅之不可勝誅。廢法則朝更夕改。愈起易視之心。轉無挽救之日。是兩失之道矣。臣查紋銀每歲出洋若干。無憑核計確數。溯自嘉慶初年。鴉片雖以藥材載入稅冊。而維時食者甚稀。後傳染日深。馴至蔓延各省。吸

食之人既多。鴉片之入必不少。即紋銀之出亦必不貲。臣
於到任後體察情形。與前撫臣祁項反覆籌度。必須嚴拿
囤販窩口。及攬載之快蟹各艇。俾杜出入之路。以清販運
之源。當經會同遴委員弁。並咨行水師提臣關天培暨各
鎮道一體飭屬查緝。隨據先後拿獲大夥私運紋銀匪犯。
及開設快蟹艇館。開設窩口匪犯。又拿獲銀煙三十起各
在案。伏念貪夫徇財。販運者驟難期其絕跡。水懦民玩。吸
食者儼若安其故常。是刑不可濫。而法亦不容疏。似應變
通舊例。分別加重。使之各有戒心。庶足以挽狂瀾而起瀕
疾。查為治之道。太上變化之。其次規屬之。古之墨刑。即今

刺字。蓋即規之一端也。食煙定例。罪止杖枷滿徒。迨疏枷
或到配後。無異平人。既恐本犯故態復萌。抑亦無以儆衆。
若加以刺面。羣知食煙犯罪刺字。即無面目見人。羞惡之
心。人皆有之。苟非至愚極頑。無不憚而悔禍者。其中設有
不類。必齊以刑。亦應做照竊盜三犯之例。逐次加重科之。
以期物咸在宥。免於驟羅重典。應請嗣後無論官紳軍民
人等。如有吸食鴉片者。初犯仍照舊例。分別擬以枷杖滿
徒。於左面刺吸食鴉片四字。若恬不知恥。再犯到官。即擬
以杖一百。流三千里。更於右面刺再犯二字。儻竟罔有悛
心。至於三犯。則是藐法怙終。雖投畀遠方。亦無足惜。即從

重擬以實發新疆酌撥種地當差於右面加刺三犯二字
用昭懲創其有栽種罌粟熬充鴉片漁利致妨農業者亦
分次照此科罪而刺栽種罌粟四字所有官署內各項人
等及所部兵丁有犯除本犯治罪外失察員弁均請交部
議處仍先出示曉以罪名並鈔示斷癮良方酌予半年之
限諭令以期戒煙過此即行拏辦以免久而生懈抑臣思
之奉法貴乎無私教罰期於警衆竊以為治貧者百不
如治富者一治賤者百不如治貴者一誠以興臺早隸及
游手無賴之徒犯罪人且不知知之亦不介意及至富家
大族身陷官刑遂爾羣相震驚愕然警動此民情大可見

者也。今既定食煙之罪。必須破除情面。於富家大族。無稍
瞻徇。俾得截斷衆流。以收懲一儆百之效。惟此富家大族。
類多結客自豪。一經執法從事。勢必流言四起。不曰訛詐。
不遂。即稱藉事生風。百計撓權。多方洩忿。是在當其事者。
不畏強禦。不避怨嫌。毅然堅以持之。庶乎令行而禁止矣。
又語云。不見可欲。使心不亂。斯民嗜欲雖深。設非黨口販
煙入口。何從購之食之。是食煙之獲罪。與紋銀之出洋。實
匪徒階之厲也。此等為害最烈。處以極刑。亦不為過。若更
舍之不治。猶之防川不塞其源。而欲流之不橫決四溢也。
難矣。應請嗣後除私開鴉片煙館。引誘良民。照例仍擬絞。

候外。其偶然興販鴉片。數十斤至一百斤者。即擬發近邊充軍。而刺興販鴉片四字。數至一百斤以上者。擬絞監候。仍照前判字。若係積年開設窩口。或日久合本朋開勾結外夷。出洋販運多次。即屬匪黨渠魁。無論煙數多寡。均當擬以絞決。仍將財產查抄入官。以彰

國憲而快人心。至廣東窩口之設。多在沿海各口岸。而澳門為甚。其內河則省城及高要縣之廣利墟。順德縣之陳村。東莞縣之石龍等處亦有之。臣現會同撫臣怡良。移咨水師提臣關天培。粵海關監督臣豫堃。並檄行各鎮道嚴飭各守口員弁關役。認真堵截查拏。其各處窩口。責成該管

營縣及澳門同知。購線探訪。得實迅往圍捕。解究不得。少涉疏懈。所有口外扼要之零丁等洋面。由水師提督督飭該管之香山協大鵬營提標中左兩營各該將領。率令汛弁舟師。無分雨夜。加勁巡查禁阻。無論內地何項艇隻。不許攏近夷船。亦不許無故在洋游奕。一遇私運紋銀鴉片匪艇。奮勇兜擒。解省嚴究。其窩口巢穴所在。密速掩捕懲辦。儻該水陸在事人等。玩不用命。致有縱漏。別經發覺。或被委員拏解。即究明本犯開窩何處。出洋何日。經由何海口營縣轄境。立將不行查拏之所管所巡各員弁兵役。分別叅劾究懲。如審有得規包庇。受賄賣放情弊。即照縱囚律。

與犯同罪。仍計贓從其重者論。以昭炯戒。失察之本管上司。叅處示儆。其有實在出力員弁。能將黑口走私各犯。源源報獲。或拏獲贓重大案一起。亦即據實保奏。請

旨量加鼓勵。又韶州府屬之樂昌乳源等縣。南雄連州等直隸州。毗連湖南江西二省。難保匪徒不夾帶鴉片出境。臣因太平關建設曲江。地居扼要。西北兩路。途所必經。且為鎮道駐劄之所。前經遵

旨責成該鎮道在於太平關上下。督率員弁。晝夜巡察堵拏。茲復檄令始終加意督辦。如查有賄縱等弊。將該員弁兵役一律叅革治罪。如此酌定章程。源流並治。或冀商民知懼。漸

就肅清。外夷無計居奇。鴉片自然衰減。而紋銀無所消耗。民命亦多保全。似於塞漏培本之道。未必無益。

廣東巡撫怡良奏。伏思漏卮之起。由於俗尚之奢。而此絀彼盈。總不出中國之內。惟鴉片煙來自外夷。以土易銀而去。吸食日多。販運日衆。誠如黃爵滋所奏。漏卮日甚。不可不議者也。臣愚以為鴉片一物。不吸則不來。不來則亦不吸。二者互為消長。其偷運入口。窻口奸商。包兌包送。扒龍快蟹等弊。歷有年所。節經督臣鄧廷楨。前撫臣祁墳。設法獲辦。已屬不遺餘力。而利之所在。終不能絕。總由吸食者衆耳。凡吸食之人。勢不能自赴夷船購買。必於煎熬煙館零買。

應將來賣煙館。首先搗獲淨盡。使吸食者無從買食。則烹口亦銷售無處。而偷運私送之匪徒。加以嚴密緝捕。是斷銷售之路。即所以斷吸食之源。然後為吸食者立定期限。以冀還淳返樸。應請勒限半年。示令吸食者全行戒絕。先行出示。開列戒應之方。使其痛自改悔。免其治罪。若半年之後。仍蹈故轍。一經查拏到官者。分別枷杖滿徒。上加等擬流。並面刺煙匪二字。在冥頑不靈之徒。容或不以為恥。稍有自顧顏面者。亦必無地自容矣。至積慣興販匪徒。一經拏獲。審明實係大夥興販。業已多次者。擬發新疆給披甲人為奴。至私開鴉片煙館。誘人買食。實屬曠不畏法。應

請仍擬紋候。房屋入官。牌頭地保得規徇隱者。照本犯減一等問擬。製造煙具罪名。應照向例懲辦。此非癮深不能驟戒可比。應請即時禁絕。查奸匪設立窩口。販運鴉片。都在沿海各口。臣到任未久。所有扼要口隘。未能深悉。容臣留心訪察。會商督臣實力察辦。遏其流於旁潰之餘。不若絕其源於濫觴之地也。向來夷船到廣。洋商本有稽查具結之責。然奉行既久。誠恐或有疏懈。應責成洋商等切實稽查。如有夾帶情事。即將該洋商等革究。臣所轄之太平關。為過嶺必由之路。嚴飭南韶連道加意稽查。以防偷漏。似此併力辦理。則煙土無從私越影射。而吸食之人。勒限

嚴禁。職官不知自愛。亦有吸食者。加等治罪。其衙門兵役。以及署內人等。責成各本官嚴行查禁。如有犯者。將該犯嚴行治罪。失察員弁。交部議處。庶幾力挽頹風。咸臻上理。寰宇同游。

壽寓。而舉世共樂豐亨矣。

九月甲辰。閩浙總督鍾祥奏。竊查現在銀值增昂。未必盡由販運鴉片之故。而販運鴉片。實亦耗散銀兩之一端。誠不可不隨地查拏。以杜煙土之來。亦不可不因時救法。以懲食煙之罪。惟法在必行。自足威之使畏。而刑惟克允。又慮過則失中。夫買食煙土。究係自害其身。若如黃爵滋原

奏一概問擬死罪。亦恐誅戮過衆。查定律。凡加罪不至於死。此我

皇上協中於民。即尚書典刑祥刑之意也。現在議辦。原應因事制宜。俾令知儆。惟須於懲創之中。仍寓欽恤之意。例載軍民人等買食鴉片煙者。杖一百。枷號兩箇月。仍令指出販賣之人。查拏治罪。如不將販賣之人指出。即將食煙之人照與販為從例。杖一百。徒三年。職官及在官人役買食者俱加一等治罪等語。定例實已平允。現欲因時救法。惟須有案必破。有犯必懲。則官兵民人無不做畏。并請於犯案之後。如有再犯三犯。無論官兵民人。各照原犯罪名。遞行加

等。則獲罪均已不輕。流風可期漸改。其兵民人等。於初次犯案時。並請加添刺臂。以便後犯查辦。至於興販鴉片。例發近邊充軍。山開煙館。例擬絞候。惟現欲加重食煙之罪。而興販開館。皆係圖利害人。尤當加重。方昭平允。應請將興販煙土之犯。由充軍加以遣戍。開館賣煙之首犯。由絞候加以絞決。則食煙賣煙所犯不同。而適重適輕。厥罪均由自取矣。至還有大夥積販。以及勾夾運販情重者。實屬玩法之尤。仍均於臨時酌量情法。從重問擬。

諭內閣。前據黃爵滋奏。請嚴塞漏卮。以培國本。當降旨交盛宣懷。林黑龍江將軍直省各督撫。各抒所見。妥議章程具奏。茲據各

該省陸續奏到。著大學士軍機大臣會同該部議奏。穆彰阿係大學士軍機大臣。現雖穿孝。著一併會議。

丙午

諭內閣。各省鴉片煙漸染日深。流毒甚鉅。儻該地方官早能認真查緝。淨絕根株。何至錮習相沿。流風日熾。現據直隸山東江蘇湖北湖南陸續奏獲各案。朕已立沛恩施。從優獎勵。著各直省將軍督撫。趁此整頓之時。同心合意。不分畛域。上緊查拏。毋得稍行鬆勁。其販運開館等犯。固應從重懲辦。即文武官員。軍民人等。吸食不知悛改者。亦著一體查拏。分別辦理。現在各直省將軍督撫。遵旨各議章程。業經降旨飭大學士等會議。一俟奏

定。朕即折衷畫一。頒發遵行。該將軍督撫等。務當振刷精神。力祛積習。勿生觀望之心。以副朕意。

已酉

諭內閣。鴉片煙流毒內地。官民煽惑。傳染日深。前年太常寺少卿許乃濟奏請弛禁。朕即以為不得政體。本年鴻臚寺卿黃爵滋奏請嚴禁。當降旨飭令直省將軍督撫各議章程。昨復令大學士等會議。朕於此事深加痛恨。必欲淨絕根株。毋貽遠患。並於召見內外臣工時。詳加察訪。從無一人議及弛禁者。許乃濟冒昧潰陳。殊屬紕繆。著降為六品頂帶。即行休致。以示懲儆。壬戌。兩廣總督鄧廷楨奏。竊臣承准軍機大臣字寄。七月

二十七日奉

上諭。據鄧廷楨等奏。嘆咭喇國巡船。駛泊外洋。現在密為防範。諭
遂回國。候風開行一摺。所見是。但該夷等犬羊性成。難以恆情
測度。此數十日內。羈留內地。仍當不時偵察。毋得疏懈。時屆北
風。卽飭令。迅回本國。不可任其北駛。總宜外示靜鎮。內謹修防。
等因。欽此。臣等遵查。此次嘆夷嗎咭。駕坐嘆咭巡船。來
粵。拋泊銅鼓洋面。寄春澳門。希圖干預商務。經臣鄧廷楨
與水師提臣關天培。疊以嚴詞諭逐。一面於各礮臺及口
內各要隘。密為布置防範。以昭慎重。嗣該夷嗎咭。諭遵諭
赴澳接眷。適與其妻一同患病。迨其妻物故葬澳後。卽挈

其女婢回船。經提臣派署守備盧大鈺嚴催。據該夷拍心
指天。以得風即去。回覆情形甚為恭順。續經臣等附片奏
聞在案。茲於八月十五日。後連日北風迅發。旋准提臣咨稱。本月
十七日寅刻。噍夷噍噍船。及護行之咄呀吐船。均乘風起
碇開行。當經香山協副將惠昌耀。飭據把總蘇起鳳。管駕
快船。跟蹤尾探。該二船已向老萬山外洋之南。揚帆遠去。
杳無蹤影等因。并據該副將惠昌耀暨各該管文武。稟同
前由覆查無異。臣等伏思夷情叵測。該夷嗎咤噲雖已回
帆。是否去不復來。殊難臆度。除仍檄行水師各將備。嚴督
巡洋舟師。始終加意防範。毋稍疏懈。凡遇各國並非貿易

貨船駛來。即行稟報。認真驅逐。不准停留外洋。以免事端。而重海防。

硃批知道了。

十月甲申。署理四川總督蘇廷玉奏。伏查鴉片煙為害。久已蔓延。吸食者日多。遂致紋銀透漏出洋。歲至不可勝數。黃爵滋奏請將吸食鴉片煙者。治以死罪。意在力除其弊。故立重典以威民。而又寬以一年之限。許其改過自新。此於懲創之中。仍不失以生道殺民之義。實為權衡切當。第救時固在立法。而奉行尤貴得人。若或辦理不善。轉啟兵役人等詐擾之端。是又全在責令地方官隨時隨地實力

遵行。庶無流弊。抑臣更有請者。除惡務求其本。清流必審其源。吸食者雖律以嚴刑。而鴉片煙之來路不絕。則根株未盡。勢必不能一律肅除。臣查煙泥行入內地。無論夷商之夾帶。奸民之販運。總須由海口而來。若不勾通兵役。及沿海地方匪徒。節節已護遞送。斷不敢攏岸入口。即其銷售內地。經過鄉村市鎮。民皆知其物係違禁。必各起而挾制。羣相攫取。以故興販之徒。必賄通兵役人等。為之接護。乃能到處流通。無虞沮礙。是煙販實兵役之利藪。而兵役即煙販之護符。臣籍隸閩省。世居海濱。此種情弊。知之最深。福建一省如此。其廣東浙江山東直隸江蘇等省之各

海口。自亦事同一轍。故嚴禁兵役包庇。尤為遏絕興販鴉片煙之第一要務。應請

旨飭下沿海各督撫。嚴飭地方文武。力挽積弊。認真密訪。該兵役等一有得規護送情事。立予究辦。與煙販同罪。其餘關津隘口。亦責成該地方官。及管理關務之員。嚴督盤查。務使兵役人等。知所儆畏。不致包庇以行其奸。則煙販失所護持。勢必不肯以盈千累萬之資本。輕試於人人皆可挾制攫取之地。而販運自絕。來源既淨。則吸食之害。將不禁而自除矣。至於吸煙之犯。擬罪既請加重。興販者實為始禍之人。自應比買食者尤嚴。而定例罪止軍戍。似覺輕重失

宜。並請

諭飭部臣酌議。從嚴定擬。庶足以昭炯戒。而示持平。

諭內閣。蘇廷玉奏議。覆查禁鴉片煙章程一摺。著大學士軍機大臣會同該部一併議奏。

甲午。山東道御史賈臻奏。竊查沿海各直省。設立重鎮。兼設水師營伍。所以防奸備警者。法制原極周詳。外夷震懾。天威輸誠。悅服我

皇上。又施恩格外。概許通商。蓋於控馭之中。寓招徠之意。不謂夷情叵測。輒敢攜帶鴉片煙土。以外洋之穢物。易中國之紋銀。牟利既厚。流毒日深。現奉

諭旨嚴拏。行見埽除淨盡。但思此等違禁之物。夷商安能直致內地。必係內地奸民。串通不肖胥役兵弁。許以規費。代為包攬傳遞。日久視為利藪。一旦驟絕其弊。難保夷商不別生事端。而奸民與胥役弁兵等。既敢飭法於前。安必其不逞奸於後。夫天津密邇畿輔。登州可達

盛京。皆係根本重地。固當慎重。此外如江蘇浙江福建各省。均有濱海府廳州縣。亦宜一律防範。而尤關緊要者。莫如廣東省會。其可以停泊之海口既多。其向來交易之洋行極夥。因而夷商輻輳而來者亦最眾。聚作弊之人。於積年舞弊之地。而又當此痛懲積弊之時。僅營生倉猝。豈可不

防應請

飭下沿海各省督撫提鎮等。於夷船經過之處。礮臺軍械。預令修整。洋貨囤積之區。海岸市廛。不時巡察。交易後即令速回。勿許藉詞索欠。任意逗留稽查。時務期覈實。不得妄謂稅課攸關。稍涉含混。陸路慎簡營兵。無以老弱充額。水師勤加訓練。無循操演虛名。將弁有衰庸不職者。當破除情面。立行罷斥。隘口有不敷控制者。宜審度形勢。俾資聯絡。仍申明定例。所有沿海地方。附近礮臺塘汛。搭蓋寮房。久經居住之民人。令文武員弁實力稽查。照內地民人之例。就近編排保甲。分給門牌。開載戶口年歲。設立牌頭甲長澳。

保並申敘條款出示曉諭毋許再有無籍游民續行占住由該管營縣按月親赴查點年底道府通報凡例應封禁以及向無寮房各海島專責營員隨時查勘仍於年終將有無續占彙摺具奏如舞弊作奸捏飾容隱者嚴行叅處尤須認真查辦次第施行不得稍事張皇轉滋紛擾總使夷商不敢萌奸內地奸民亦無由勾串庶禁令不致偶弛海疆可以永固而意外之虞亦有備無患矣

丙申太僕寺少卿楊殿邦奏伏惟

皇上孜孜求治於紋銀出洋煙土入口等弊疊奉

諭旨敕令內外臣工嚴加查辦務期淨盡根株

訓示詳詳。至周至密。竊思銀之出洋。必首究其出之所。自始煙之入口。必先究其入之所由來。庶正本清源。流將自絕。粵省海關。向許與夷人交易。所有紋銀出洋。煙土入口等弊。較他省最先且鉅。其中夷人之串結。漢奸之勾引。非及早防範。嚴行懲辦。終難除積弊而絕根株。臣前在廣東。面詔連道任內。頗悉該處情形。近聞弊竇愈增。而為害愈甚。現當討謨整飭之際。臣既有見聞。不敢不將實在情形。為皇上敬陳之。

一夷人逗留省城。宜照例驅遣出境也。粵省城外。設立洋行為夷人貿易之所。定例貿易事畢。即令出居澳門。不准

逗留省城近年以來竟有在省常住之夷人其最狡黠奸猾者聞有啖咭喇國夷民頓地及鐵頭老鼠兩名終年逗留省城凡紋銀出洋煙土入口多半經其過付該夷民常與漢人往來傳習夷字學寫訟詞購閱印鈔探聽官事不惜重資又復從漢人學習中國文字種種詭秘不可枚舉此等匪徒心多機械竊恐愚民聽其教誘奸民結為黨援大為風俗人心之害使之久居境內不但煙土不能查緝淨盡且恐別生事端應請

飭下該省督撫及海關監督照例妥為驅遣並根究內地相與串結之奸民嚴拏懲治以清弊源而去害端

一匪徒結黨拜會。宜嚴拏究治也。粵省無籍匪徒。每人身帶短刀一對。稱為大貨手。其糾人入夥。謂之放臺子。每臺八人。飲酒拜盟。不序年齒。為首者稱為大哥。旬日間每人各放一臺。輾轉糾約。動輒千百人。又復結拜三點會。有稱為某腦者。稱為房長者。稱為柳枝者。稱為鐵板者。其為從匪徒。皆稱為老晚。結黨成羣。一呼即應。凡搶擄勒贖及殺人放火各鉅案。皆係此類所為。大為閭閻之害。近年又間有與私販煙匪互相勾結。明目張膽。四路招呼。持械護送。跡與鹽梟無異。臣查粵省捕務及巡查煙土。設立巡船添置堆卡。有分巡之兵役。有協緝之委員。每年籌備經費。各

官難捐合計不下數萬兩。立法最為周密。乃匪類尚如此之多。恐兵役人等。賄縱包庇。地方官意圖消弭。化大為小。各情弊皆所不免。此等匪徒。不即時嚴拏。將來徒黨日多。難於捕治。應請

飭下該省督撫。嚴飭巡防員弁。及該地方官。嚴拏懲辦。其拏獲多名者。仍請

旨量予鼓勵。儻有受賄縱庇等情。一經查出。即嚴叅示懲。

一海口漏銀道路。及窩藏接遞之人。宜確切根究也。粵省地接海洋。為煙土入口之源。每年漏銀出洋。為數甚鉅。必非一二人所能攜帶。即使分次偷運。每次亦必盈千累萬。

文兄不易所有海汊等處難保無通洋小路亦難保無沿海奸民為之坐莊兌會輾轉遞運其往來蹤跡雖極詭秘而積慣販煙之人自必備知其細即海汊通洋小路伊等亦必熟悉誠能於獲犯之時將其接遞者何人窩藏者何人坐莊兌會者何人層層追究則銀煙出入路徑不難確切查明立時就近掩捕在奸徒有猝不及避之勢在州縣則得懲一警百之方而漏銀之路可絕向聞拏獲煙土之案煙之解案者不過十分之五銀之呈繳者不及萬分之一是兵役等不能無弊也遇吸食者則專治吸食遇私販者則專治私販是承審者不能根究也積習如此該管上

司。尤當隨時稽查。嚴加懲儆。臣竊思為政之要。務在寬猛相濟。尤須因地制宜。即如煙土流毒已久。吸食者蔽綢既深。罔知悔改。近經嚴切查拏。數月以來。畿輔內外。咸知畏懼。可見立法果嚴。奉行果力。自不難漸除積習。力挽頽風。總之法嚴而限紓。則民皆畏法。而蹈刑者必少。法寬而限迫。則民且玩法。而犯罪者轉多。應請

皇上嚴諭該省大吏。督飭文武員弁。實力查拏。悉心根究。毋以虛飾圖功。毋以苟且貽患。則本源清而實效著矣。

十一月。癸丑。

諭內閣。湖廣總督兼兵部尚書銜林則徐著頒給欽差大臣關防。

馳驛前往廣東查辦海口事件。所有該省水師兼歸節制。

丙辰

諭軍機大臣等。朕因近年來鴉片煙傳染日深。紋銀出洋銷耗彌甚。屢經降旨。令該督撫等認真查辦。但銅蔽日久。恐一時未能盡行破除。若不清查來源。則此患伊於胡底。昨經降旨特派湖廣總督林則徐馳赴粵省查辦海口事件。並頒給欵差大臣關防。令該省水師兼歸節制。林則徐到粵後。自必遵旨竭力查辦。以清弊源。惟該省窯口快蟹。以及開設煙館販賣吸食種種弊竇。必應隨地隨時淨絕根株。著鄧廷楨怡良振刷精神。仍照舊分別查拏。毋稍鬆懈。斷不可存觀望之見。尤不可有推諉之心。

再鄧廷楨統轄兩省地方事務殷繁。若專責以查辦鴉片以及
紋銀出洋。恐顧此失彼。轉不能專一心。加盡絕弊端。現派林則
徐前往專辦此事。該督自當益矢勤奮。盡泯畛域。應分辦者。各盡
已責。應商辦者。會同奏聞。趁此可乘之機。力救前此之失。總期
積習永除。根株斷絕。想卿等必能體朕之心。為中國祛此一大
患也。

十二月癸未。兩廣總督鄧廷楨奏。竊查粵東通商以來。番
舶絡繹。久之奸夷軌法。馴至鴉片之毒。流徧海隅。是華民
之吸煙。由於土匪之販運。而販運實來自夷船。從流溯源。
非於夷船寄泊之所。嚴加堵截。杜其勾串。勢難有功。臣受

事幾及三年。辦理毫無成效。以致上勞

宸廑。疊蒙

指授機宜。感悚無地。現計所獲私開窯口。及興販鴉片匪徒。除節次專摺奏辦外。經弋獲一百四十一人。犯三百四十五名。民間遵示。依方戒食。亦據首繳煙槍一萬一百五十八枚。羣情似稍警動。但弊源未除。猶之設防斷流。終虞潰決之患。臣受

恩深重。敢不竭盡心力。通計熟籌。冀圖報稱。查各國貨船抵粵。皆循例報驗入口。開艙起貨交易。其日久寄碇零丁外洋者。即屬營私夾船外間。以是船目之蓋零丁與老萬山以外

夷洋毗連是以逐去復來難期絕跡嗣且假避風之名連
檣駛入金星門內洋拋泊恣意為奸臣於到任後即經設
法驅逐兩年以來不敢駛入然仍寄泊零丁洋或十餘隻
或二十餘隻每覘風勢順逆於零丁附近之九洲鵝頸潭
仔尖沙嘴等處洋面徒泊靡常該管官巡防雖密而各洋
瀕瀚無際顧此夫彼內匪即從而偷販此鴉片之所由滋
蔓也臣反覆籌度謹擬派員駐洋守堵之法如該夷船現
泊何洋即於該洋沙線必經之路將師船聯幫堵截無論
內地大小何項船隻一經駛近夷船即行併力追擊無許
接裝鴉片儻敢逞兇拒捕許開槍礮轟擊格殺勿論庶奸

民不能勾通購買。而躉船亦無厚利可圖。持之既堅。當亦
廢然思返。查零丁等洋。乃水師提標左營香山協大鵬營
所轄之地。應請調集水師提標船二隻。香山協師船二隻。
大鵬營師船二隻。各隨帶哨船二隻。均配足弁兵。礮械。第
一月派水師提標左營遊擊管領以香山協大鵬營守備
各一員副之。第二月派香山協副將管領以水師提標左
營大鵬營守備各一員副之。第三月派大鵬營參將管領
以香山協水師提標前營守備各一員副之。輪流堵拏。周
而復始。仍嚴飭各該將備等。務當實力奉行。設有堵截不
加。及徇縱情弊。即行從嚴叅處。至水師提督統轄全洋。緝

盜緝私○皆其專責○駐劄虎門地方○濱臨海口○與零丁各洋○
聲息相通○所有守堵事宜○或稽查各官勤惰○或調度時有○
變通○應即由提臣關天培就近認真督辦○俾歸妥協○又零○
丁各洋以東○為惠潮一帶洋面○從前時有夷船○藉稱遭風○
漂往○屢經驅逐回帆○今當查辦喫緊之時○在夷情詭譎○既○
難保其不擇地圖○遷○並應早為防範○而惠潮二府屬濱海○
著名口岸○奸民開設窩口○囤販煙泥○尤應一體嚴飭購捕○
以免煙販勾引夷船往泊○致遂其憑穴為祟之私○臣現在○
會同廣東撫臣怡良籌議水陸交嚴章程○檄令南澳碣石○
二鎮○乘坐師船○親督屬營將備○巡洋舟師○并給帶通事引○

水。馳赴該二鎮所轄交界洋面駐泊。遇有夷船駛至。立加
諭逐。毋許片刻逗留。如有匪艇攏向勾結。亦即奮迅兜拏。
格殺勿論。其陸路各口岸。人煙稠密。良莠雜處。以潮州府
澄海縣屬之汕頭潮陽縣屬之達濠為最現。飭潮州鎮惠
潮嘉道暨潮州府會同在於各該縣適中之地。輪流駐劄。
督拏。并督閩郡文武。各於轄境口岸。分投嚴密躡緝。有私
務破。遇匪即擒。各港口舊設卡巡。凡漁船蜑艇出入。責令
確加查驗。惠州府屬口岸。由該府即於郡城會同陸路提
督。嚴飭各營縣。查照一律辦理。似此文武各盡其力。水陸
分任其勞。守零丁以清其源。堵惠潮以竟其委。儻有意存

推諉貽誤事機。臣即當隨時指名奏參。以為玩不用命者戒。

諭軍機大臣等。本日據鄧廷楨奏。籌調師船將備。聯幫駐泊洋面。堵截民夷售私。並水陸交嚴。以除錮弊。一摺。著林則徐馳抵廣東。後即將各該處情形。悉心體察。所有摺內所議駐洋守堵各事宜。會同鄧廷楨。通計熟籌。務臻妥善。覈實辦理。原摺著鈔給閱看。

道光十九年己亥正月丙午。兩廣總督鄧廷楨廣東巡撫怡良奏。查廣東自夏秋以來。醫人斷癰之藥。屢肆通行。民間勸善之文。城鄉徧貼。省城內外。閑闌雲連。屋後大半滿臨。

河濠每有拋棄煙土煙膏及槍鎗器具等物經臣等飭縣派人打撈煙泥自數十兩至于千餘兩不等煙膏自數兩至百餘兩不等竟能日有所獲而收繳煙槍自上月截數奏報後現又積有數千餘枝種種情形皆非虛飾是民情畏法確有明徵戒煙既多則銷售自減奸民之銷售既減則夷船之銷售自亦不能暢行乘此警動之時迎其機而利導之怵之以危語以堅其悔懼之心懲之以嚴刑以絕其徵倖之念移風易俗實為一大轉機然臣等總總竊慮者根株未盡不日日剋伐則萌蘖旋生矣保障未堅不日日修防則狂瀾復倒矣必當全力搏挽一氣呵成破釜沉舟

不淨不已。如此堅以持之。一年以後。吸煙之犯舊者可冀其猛改。新者可保其必無。推之奸民之興販夷船之囤積。利息既薄。銷路又難。新者當可不來。舊者亦有時而盡。則今日專心壹志。最為緊要關頭。伏乞

皇上嚴責臣等。暨水陸提臣。併力圖功。不許稍涉鬆懈。臣等宣布天威。俾大小文武咸知。

意旨所向。無可却之責。兼有可錄之功。各文武稍有天良。當無不震動奮迅之理。至於各省督撫。亦當消除此疆爾界之見。毋存見功分謗之心。各掃瘡痍。共培元氣。則普天率土。處處皆緝私之人。日日申禁煙之令。如此而不能挽回風氣。

未之有也。

諭軍機大臣等。鄧廷楨怡良奏查辦粵省鴉片煙情形。朕詳加披閱。具見此誠為國之心。惟當此可乘之機。仍應督飭文武員弁。趁勢嚴拏。毋稍鬆懈。務使根株淨盡。銅弊全除。煙販浸灌各省海口。雖到處可通。而該省為出入門戶。如果認真堵截。則浸灌漸少。吸食者無從購買。日就肅清。林則徐計早晚到粵。該督等仍遵前旨。協力同心。盡泯畛域。勉之又勉。以副委任。至林則徐前次面奏。請頒發檄諭。曉示外夷。著與鄧廷楨酌商。是否可行。僅必須頒發。著即妥擬底稿具奏。經朕披覽。再行檄發。

甲子。兩廣總督鄧廷楨廣東巡撫怡良奏。查前給事中許

球原春內開之坐地夷人除嗎咭咭並無其人外噍噸噸
咭咭咭咭咭咭咭咭咭咭咭咭咭咭咭咭咭咭咭咭咭咭
來粵住省久暫不一因查無作奸確據分別各該夷事務
繁簡取具限狀諭令依期下澳回帆當經附片覆奏在案
嗣據總商伍紹榮等先後稟報咭咭咭咭咭咭咭咭咭咭
四名已由省下澳附搭便船回國噸噸噸噸噸噸噸噸噸
商務未竣請下澳居住或暫赴省清理不敢無故逗留惟
噍噸一名以其貨船絡繹又住省年久帳項繁多求展歸
期俾便留省照料臣鄧廷楨以該夷噍噸既不回帆又不
下澳雖其貿易較多豈容玩視奏案獨任久踞省垣節經

嚴加驅逐並與臣怡良諭以該夷縱有帳項未收儘可議
分年限由該國熟船陸續帶還歸款無虞虧抑

天朝法度森嚴儻始終昧於進退藉端再涉違延定即從嚴拏
究去後茲於十二月十五日據總商伍紹榮等稟稱港脚
夷商噶噸因貿易帳項諸務布置清釐業於本月十二日
請牌下澳附搭港脚映船回國查映船亦已於本月十一
日請牌出口該夷噶噸月底定可開行等情臣等覆查無
異除再飭總商查明該夷開行回國日期稟報查覈外謹
合詞恭摺具奏

諭軍機大臣等本日據鄧廷楨怡良奏稱諭逐港脚夷商噶噸現

在下澳附船回國等語。該夷噏噸來粵貿易多年。所有躉船鴉片多半係其經營。實為奸夷渠魁。現因稽查嚴密。恐懼圖歸。雖據該督等奏稱。該夷請牌下澳。於臘月底定可開行。但該夷盤踞既久。黨羽必多。現在各躉船尚未回帆。其所存煙泥豈肯即行拋棄。難保不別肆詭譎。著林則徐嚴密訪查。該夷噏噸是否實已下澳開行。確於何日起碇。如尚在逗留。即著嚴行驅逐。據實覆奏。務使奸夷盡去。痼弊悉除。方為不負委任。

鄧廷植怡良又奏。密查該夷噏噸又名噏噸。為噏咭喇屬國港脚夷人來粵貿易。已有十餘載。其初資本甚微。既合眾夷之財。以操奇贏之術。賈逾三倍。馴至坐擁厚貲。無異

比數美船所貯鴉片多半係其經營該美仍坐省照料奸
夷效尤因以日甚雖數十年來賣煙不自該夷始而該夷
實為近年渠魁臣鄧廷楨初未偵知其詳曾與陞任撫臣
祁墳遵

旨勒限論遞該夷率以伊名下貨船絡繹又住省日久帳項繁多
必須躬親照料為詞屢催遣延未去臣等雖得其奸狀而
又查無營私確據即訊之洋商等亦無實跡可陳我

聖朝澤覃中外

德重懷柔事跡證明既未便遽治以中國之法復難任其盤踞殃
民寬嚴之節頗難措手迨自本年秋夏以來臣等節節經仰

奏

聖謨實力督屬查拏堵截水陸交嚴並開示樂加諭民戒食鴉片
所有開窯設館及販運吸食之犯先後拏獲三百餘起民
間遵方斷應首繳煙槍幾及二萬其戒食自行毀除者亦
不知凡幾羣情警動煙已滯銷華民既悟該夷之奸視為
警寇夷黨亦因稽查嚴密歸怨該夷無所希冀且懼法及
其身遂聞其有圖歸之意臣等以機不可失即撰作諭帖
繕譯夷文嚴切而徧諭之冀以解散朋奸並堅該夷之去
志茲據報該夷噤頓業已下澳附船月底即行是誠仰仗
天威得以祛此大患而為

國計民生一大轉機也。惟該夷難去。各躉船尚未回帆。其存
臘煙泥未必甘心即棄於地。難保不別肆詭謀。臣等現仍
嚴飭水師在於中東西三路各洋面加意認真堵擊。陸路
揔擒奸賊。毋許鬆動一俟

欽差抵粵。即破除畛域。相機妥為商辦。俾淨根株。以期仰舒
宸廑。並錄諭夷原稿恭呈

御覽。

諭軍機大臣等。據鄧廷楨等奏。通諭各國夷商。滿除舊汙。並繕錄
諭稿進呈。朕詳加披閱。措詞正大。所見亦屬周到。現在外洋拋
泊各躉船。是否盡數回國。其並非躉船。又非進口貨船。往來各

洋寄硃者能否絕跡。著林則徐會同該督等嚴飭水師各鎮協
營調集師船在各洋面聯幫追捕。毋任再有偷漏。其窯口煙館
各犯並著通飭各屬。拏拏淨盡。以絕根株。其茶葉大黃果否為
該夷所必需。儻欲斷絕。是否堪以禁止。不致偷越之處。並著悉
心訪察。據實具奏。至林則徐面奏請頒發各國檄諭。著仍遵前
旨。與鄧廷楨商酌妥擬底稿具奏。經朕披覽再行頒發。

通諭各國夷商稿

照得

天朝准予各國通商以來垂二百年。

深仁厚澤。美利無疆。而內地茶葉大黃二項為爾外夷必需之物。

生死所關爾等豈不自知是

天朝本不必通市而爾各國能一日不通市否乃數十年來忽以鴉片一項視為專利要術絡繹運貽是船致漢奸勾通販運愚氓嗜食習為故常滋蔓海壖透漏各都論者以為爾等欲圖匱中國之財傾華民之命姑無論

天朝五金並產寶藏充盈豈此區區所能匱乏即爾挾此邪物而來亦止意欲圖財中國之民與爾何仇而欲害其命耶總因利欲薰心以致肆無忌憚須知物極必反則

天朝一旦震怒杜絕鴉片之來嚴斷茶黃之去亦法之所必有事之所當至爾等不可不慮及也從前節經諭逐本

禁復

三令五申。乃竟惟利是圖。哀如充耳。且以來廣貿易。均屬良夷。為詞詎知。近來三板夾帶入口者。疊經破獲。鬼域之情業已敗露。尚得謂為良夷。各務正業者耶。方今

大皇帝痛恨惡習。刻意消除。內則

諭令廷臣。嚴議科條。外則切責疆吏。嚴行懲治。

乾綱獨斷。志在必行。本

督院
撫院

已欽遵

諭旨。嚴飭水師各鎮協營。調集師船。配足礮械。在於中東西三路。各洋面。節節聯幫守堵。追捕偷販匪艇。驅逐游奕夷船。並檄陸路各鎮道府。督屬拏拿口煙館。及販賣吸食各犯。水陸並治。首尾交嚴。業據先後報獲數百餘起。彼積慣營

私啓不畏死之徒。均經嚴審按辦。如前經正法之郭亞平。何老近等。是其明證。其餘論罪有差。因之羣情大為警動。戒食首繳煙槍者。以數萬計。其畏法自行棄置煙土煙具。暨奸徒廢業遠逃者尤多。此係廣東現辦章程。及現在民情之可見者。特瑣瑣告爾等知道。爾等試思此何等時候。此何等政令。還能有所希冀否。能有所遷延否。且中國民人有犯。即行立置重刑。爾等明目張膽。恣意為奸。又豈能曲從寬宥。必當一體按法懲辦。以示

天威。爾等梯航遠涉。原圖將本求利。何苦因利亡身。刻下民皆戒食。匪盡潛蹤。官既執法維嚴。民亦畏刑恪守。不特銷售路

絕抑且無利可求。中國民人多因此物喪身。率皆視如仇惡。棄諸道路。直以糞土視之矣。果復何所希冀。罔有悛心耶。合亟剴切諭飭。諭到該夷商。立即湔除舊汙。將外洋拋泊各躉船。盡數速遣回國。其非躉船。又非進口貨船。亦不得往來各洋。任情寄碇。務安貿易正業。同享樂利。宏休如始終執迷不悟。尚存覬覦之念。則是爾等自外

生成。本體亦不值煩煩心。力。常川堵截查拏。惟有奏請封港。將貿易永行停止。封港之後。無論有無鴉片。內地茶葉大黃。禁不出洋。已能立制諸夷之命。查各該國王。恭順爾素而治夷法度。恭嚴設因。斷絕茶黃。追究所自。則爾等縱漏

天朝法網恐亦難逃本國之法也敬而聽之毋貽後悔特諭
硃批正大周到